

ერთის მხრივ, სსიპ „საქართველოს კომუნიკაციების ეროვნული კომისია“ (შემდგომში „შემსყიდველი“) წარმოდგენილი მისი თავმჯდომარის კახი ბექაურის სახით, და მეორეს მხრივ, შპს „ადელაინი“ (შემდგომში „მიმწოდებელი“), წარმოდგენილი მისი დირექტორის ხათუნა ოშხარელის სახით, „სახელმწიფო შესყიდვის შესახებ საქართველოს“ კანონისა და ელექტრონული ტენდერის NAT210003309 ჩატარების შედეგად, დებენ სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში „ხელშეკრულება“) - „სახელმწიფო შესყიდვების შესახებ“ საქართველოს კანონის საფუძველზე შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით, დამატებით და ასევე ყველა დოკუმენტაციით, რომლებზეც ხელშეკრულებაში არის მინიშნებული.
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ - კალენდარული დღე, კვირა, თვე, თუ სხვა მითითებას არ შეიცავს ხელშეკრულება.
- 1.4. „შემსყიდველი“ - ორგანიზაცია, რომელიც ახორციელებს შესყიდვის ობიექტის შესყიდვას სახელმწიფო შესყიდვის შესახებ ხელშეკრულების შესაბამისად.
- 1.5. „მიმწოდებელი“ - პირი, რომელიც ახორციელებს საქონლის მიწოდებას სახელმწიფო შესყიდვის შესახებ ხელშეკრულების შესაბამისად.
- 1.6. „შესყიდვის ობიექტი“ - ხელშეკრულების მე-2 მუხლით გათვალისწინებული საქონელი.
- 1.7. „ტექნიკური დავალება“ - სატენდერო დოკუმენტაციის ტექნიკური დავალება, რომელიც წარმოადგენს ამ ხელშეკრულების განუყოფელ ნაწილს.

2. ხელშეკრულების საგანი

2.1 ხუთი ცალი პერსონალური სატარებელი კომპიუტერის (ლეპტოპის) შესყიდვა. CPV 30213100. ხელშეკრულებით გათვალისწინებული შესყიდვის ობიექტის აღწერა მოცემულია სატენდერო დოკუმენტაციაში და ფასების ცხრილში, რომლებიც წარმოადგენს ამ ხელშეკრულების განუყოფელ ნაწილს.

3. ხელშეკრულების ღირებულება

- 3.1. ხელშეკრულების ჯამური ღირებულება შეადგენს 14 600 (თოთხმეტი ათას ექვსასი) ლარი.
- 3.2. ხელშეკრულების ჯამური ღირებულება მოიცავს ხელშეკრულებით გათვალისწინებული შესყიდვის ობიექტის მიწოდებასთან დაკავშირებულ მიმწოდებლის ყველა ხარჯს და საქართველოს კანონმდებლობით დადგენილ ყველა გადასახადს.

4. ანგარიშსწორების ფორმა და ვადები

- 4.1. შემსყიდველი მიმწოდებელთან ანგარიშსწორებას ახორციელებს უნაღდო ანგარიშსწორების ფორმით, ეროვნულ ვალუტაში.
- 4.2. მიმწოდებელთან ანგარიშსწორება იწარმოებს მხარეთა შორის შედგენილი მიღება-ჩაბარების აქტის საფუძველზე, მისი შედგენიდან 10 სამუშაო დღის განმავლობაში.

5. მიღება-ჩაბარების წესი

- 5.1. შესყიდვის ობიექტის მიწოდების შემდეგ მხარეებს შორის გაფორმდება მიღება-ჩაბარების აქტი.
- 5.2. შემსყიდველის მხრიდან მიღება-ჩაბარების აქტის ხელმოწერაზე უფლებამოსილი პირია შემსყიდველის ინფორმაციული ტექნოლოგიების დეპარტამენტის ტექნიკური მხარდაჭერის სპეციალისტი ლაშა ვაშაკიძე.

6. მიწოდების პირობები და გარანტია

6.1. საქონლის მიწოდების ვადაა: ხელშეკრულების დადებიდან არაუგვიანეს 40 კალენდარული დღე, თუ მიწოდების ბოლო დღე ემთხვევა კალენდარულ დღეს, მიწოდება გადაიწევს პირველივე სამუშაო დღეზე.

6.2. მიწოდების ადგილი: ქ. თბილისი, ქ. წამებულის გამზ. / ბოჭორმის ქ. 50/18; შემსყიდველის ადმინისტრაციული შენობა.

6.3. საქონელზე ვრცელდება 12 თვიანი მწარმოებლის პოლიტიკის შესაბამისი გარანტია. მიღება-ჩაბარების აქტის შედგენიდან ერთი თვის მანძილზე ქარხნული წუნის გამოვლენის შემთხვევაში მიმწოდებელი უზრუნველყოფს საქონლის შეცვლას ახლით. საგარანტიო ვადის დარჩენილი პერიოდის განმავლობაში მიმწოდებელი უზრუნველყოფს საქონლის შეკეთებას, ხოლო შეკეთების შეუძლებლობის შემთხვევაში, შეცვლას საკუთარი სახსრებით. შეკეთება განხორციელდება ავტორიზებულ/ოფიციალურ სერვის-ცენტრში : "ტექპოინტი". მისამართი: თბილისი ბელიაშვილის 104

6.4. ხელშეკრულების მოქმედების ვადის ამოწურვა გავლენას არ ახდენს მიმწოდებლის საგარანტიო ვალდებულებებზე.

7. მხარეთა უფლება-მოვალეობანი

7.1. შემსყიდველი უფლებამოსილია:

ა) ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება.

7.2. შემსყიდველი ვალდებულია:

ა) უზრუნველყოს მიმწოდებლისთვის საქონლის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით;

ბ) უზრუნველყოს წარმომადგენლის გამოყოფა, რომელიც ზედამხედველობას გაუწევს პროცესს და საჭიროების შემთხვევაში, მიმწოდებელს გაუწევს შესაბამის კონსულტაციას.

7.3. მიმწოდებელი უფლებამოსილია:

ა) მოსთხოვოს შემსყიდველს ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

7.4. მიმწოდებელი ვალდებულია:

ა) მიწოდოს საქონელი სათანადო ხარისხითა და სრული მოცულობით, იმ ვადაში, რომელიც მითითებულია ამ ხელშეკრულებაში.

ბ) უზრუნველყოს მიწოდება ტექნიკური დავალების შესაბამისად;

8. ხელშეკრულებით ნაკისრი ვალდებულებების შესრულების ინსპექტირება

8.1. ხელშეკრულებით ნაკისრი ვალდებულებების შესრულების ინსპექტირებას განახორციელებს ინფორმაციული ტექნოლოგიების დეპარტამენტის ტექნიკური მხარდაჭერის სპეციალისტი ლაშა ვაშაკიძე.

8.2. ინსპექტირება გულისხმობს მიმწოდებლის მიერ ხელშეკრულების პირობების შესრულების, აგრეთვე მიწოდებული საქონლის ხარისხის კონტროლს.

8.3. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

9. პირგასამტეხლო ხელშეკრულების პირობების შეუსრულებლობისათვის

9.1. მიწოდების ვადის გადაცილებისათვის მიმწოდებელს ეკისრება პირგასამტეხლოს გადახდა ყოველ გადაგადაცილებულ დღეზე, ხელშეკრულების საერთო ღირებულების 0.02 %-ის ოდენობით.

9.2. მიმწოდებლის მიერ სახელშეკრულებო ვალდებულებების შეუსრულებლობის ან არაჯეროვანი შესრულებისათვის, შემსყიდველი უფლებამოსილია შეწყვიტოს ხელშეკრულება და დააკისროს მიმწოდებელს პირგასამტეხლო ხელშეკრულების ჯამური ღირებულების 5%-ის ოდენობით.

9.3. ანგარიშსწორების ვადის გადაცილებისთვის, მიმწოდებელი უფლებამოსილია შემსყიდველს დააკისროს პირგასამტეხლო გადასახდელი თანხის 0,02% ოდენობით, ყოველი გადაგადაცილებული დღისთვის.

9.4. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისგან

10. ხელშეკრულებაში ცვლილების შეტანა და ხელშეკრულების შეწყვეტა

10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა

საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხორციელდება საქართველოს კანონმდებლობით დადგენილი წესით.

10.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

10.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

10.5. მხარე ვალდებულია 10.4 პუნქტით გათვალისწინებულ გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.

10.6. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

11. დაუძლეველი ძალა

11.1. მხარეები არ აგებენ პასუხს ვალდებულებათა სრული ან ნაწილობრივი შეუსრულებლობისათვის იმ შემთხვევაში, თუ აღნიშნული გამოწვეულია ფორს-მაჟორული გარემოებებით (მიწისძვრა, წყალდიდობა, სახელმწიფო გადატრიალება და სხვა გარემოებები, რომლებიც არ არიან დამოკიდებული მხარეებზე და ითვლებიან ფორს-მაჟორულ გარემოებებად).

11.2. მხარემ, რომელსაც შეექმნა ფორს-მაჟორული გარემოება დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ.

11.3. წერილობით შეტყობინებაში მითითებული ფაქტები დადასტურებული უნდა იქნას კომპეტენტური ორგანოს მიერ. დადასტურება არ არის საჭირო, თუ აღნიშნული ფაქტები ცნობილია საზოგადოდ.

11.4. მხარეები ანახლებენ თავიანთი ვალდებულებების განხორციელებას ფორს-მაჟორული გარემოებების აღმოფხვრისთანავე.

12. დავები და მათი გადაწყვეტის წესი და სატენდერო პირობების უპირატესობა

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად. ხელშეკრულების პირობებსა და სატენდერო პირობებს შორის შეუსაბამობის შემთხვევაში უპირატესობა ენიჭება სატენდერო პირობებს.

13. ხელშეკრულების მოქმედების ვადა და ენა

13.1 ხელშეკრულება ძალაში შედის ხელშეკრულების ხელმოწერის დღიდან და მოქმედებს 2021 წლის 31 მაისის ჩათვლით.

13.2 ხელშეკრულება შედგენილია ქართულ ენაზე, ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

შემსყიდველის მხრიდან ხელშეკრულებაზე ხელის მომწერი პირი ვადასტურებ, რომ არ ვიმყოფები ინტერესთა კონფლიქტში ხელშეკრულებაში მითითებულ მიმწოდებელთან „სახელმწიფო შესყიდვების შესახებ“ საქართველოს კანონის მე-8 მუხლის შესაბამისად.

შემსყიდველი:

შემსყიდველი სსიპ „საქართველოს კომუნიკაციების ეროვნული კომისია“
მისამართი: ქ. თბილისი, ქეთევან წამებულის გამზირი/ბოჭორმის ქ. №50/18

საიდ. კოდი: 204953050

სს „თი ბი სი ბანკი“ ა/ა: GE11TB0600000000609326

კომისიის თავჯდომარე

კახი ბექაური

მიმწოდებელი:

შპს „ადელაინი“

მისამართი: ქ. თბილისი, დ. გამრეკელი, N20

საიდ.კოდი: 405203569

სს „თიბისი ბანკი“

ბანკის კოდი: TBCBGE22 ა/ა: GE19TB7893136080100008

დირექტორი

ხათუნა ომხარელი

დანართი N1

დასახელება	ტექნიკური მახასიათებლები	რაოდ.	წარმოშობის ქვეყანა; მწარმოებელი/სასაქონლო ნიშანი; მოდელი	ერთეულის ფასი	საერთო ღირებულება
ლექტობი	პროცესორი - 4 ბირთვი, 8 ნაკადი(მაქსიმალური სიხშირე ტურბო ბუსტით 4.20 GHz11th Generation Intel® Core™ i5-1135G7 Processor (2.40 GHz, up to 4.20 GHz with Turbo Boost, 4 Cores, 8 Threads, 8 MB Cache) შიდა მეხსიერება - 512 GB SSD, M.2 ოპერატიული მეხსიერება - 16GB DDR4 ეკრანის ზომა - 15.6 ინჩი ეკრანის გაფართოება/ტიპი - Full HD,Anti-glare IPS Display კლავიატურის განლაგება - QWERTY Layout - English კვების ადაპტერი 65W AC adapter Numpad RJ 45 პორტი HDMI პორტი ყურსასმენი/მიკროფონის შესაერთებელი USB პორტების რაოდენობა -USB 3.2 Gen 1 Type A (always on) USB 2.0 Gen 1 Type A Thunderbolt 4-ის შესაერთებელი ელემენტი - 3 Cell, 45Wh ავტონომიური მუშაობის დრო - 8 საათი ლექტობის წონა - 1.7კგ	5	ჩინეთი /Lenovo / ThinkPad E15 Gen 2- ITU T	2920	14600

შემსყიდველი:
შემსყიდველი სსიპ „საქართველოს კომუნიკაციების ეროვნული კომისია“
მისამართი: ქ. თბილისი, ქეთევან წამებულის გამზირი/ბოჭორძის ქ. №50/18
საიდ. კოდი: 204953050
სს „თი ბი სი ბანკი“ ა/ა: GE11TB0600000000609326
კომისიის თავჯდომარე
კახი ბექაური

მიმწოდებელი:
შპს „ადელაინი“
მისამართი: ქ. თბილისი , დ. გამრეკელი, N20
საიდ.კოდი: 405203569
სს „თიბისი ბანკი“
ბანკის კოდი: TBCBGE22 ა/ა: GE19TB7893136080100008
დირექტორი
ხათუნა ოშხარელი